



SCOTTISH LAND COMMISSION
COIMISEAN FEARAINN NA H-ALBA

Prògram na h-Obrach: an t-Sultain 2023—am Màrt 2025



Tha am Prògram-obrach againn a' cur an cèill an obair a tha Coimisean Fearainn na h-Alba a' planadh gus am Plana Ro-innleachdail againn a libhrigeadh. Tha Achd Ath-leasachaidh Fearainn (Alba) 2016 a' cur riathanas air a' Choimisean Prògram Obrach fhoillseachadh agus a chur fa chomhair Pàrlamaid na h-Alba.




Tha am Prògram-obrach againn a' dèiligeadh ri ùine de 18 mìosan, agus tha sinn an dùil a bhith ga ath-ùrachadh mar a dh'fheumar gus an obair againn a chumail buntainneach agus comasach air freagairt ri prìomhachasan atharrachail taobh a-staigh a' Phlana Ro-innleachdail. Tha na h-ullachaidhean airson libhrigeadh agus goireasachadh anns gach bliadhna ionmhasail air an cur an cèill sa phlana gnothachais bhliadhnail againn.

Tha am Prògram-obrach againn airson na h-ùine an t-Sultain 2023—am Màrt 2025 mar a leanas:



A' toirt seachad comhairle air ath-leasachaidhean do lagh, poileasaidh agus cleachdadh:




Bidh sinn a' toirt fianais, anailis agus comhairle do Mhinistearan na h-Alba, Pàrlamaid agus luchd-ùidhe.

		
Ath-leasachaidhean reachdail	A' toirt seachad comhairle, anailis agus fianais mar a tha a dhìth gus cumadh a thoirt do leasachadh agus buileachadh ath-leasachaidhean reachdail.	Leantainneach
Riaghladh a tha nas eadar-mheasgte	A' toirt seachad comhairle agus a' cur air adhart cothroman ann am poileasaidh agus cleachdadh gus taic a thoirt do mhodail riaghlaidh airson fearann a tha nas eadar-mheasgte, le fòcas air: <ul style="list-style-type: none">• A' brosnachadh smaoinichadh ùr a tha a' dol thar mhodhan-obrach làithreach a thaobh chòraichean seilbh• A' toirt seachad stiùireadh agus comhairle gus taic a thoirt do chleachdadh ùr-ghnàthach• A' fiosrachadh mhodhan-obrach ùra airson riaghladh a thaobh fearann, taigheadas agus goireasan nàdarra.	Sultain 23 – Màrt 25
Modhan-obrach airson luachadh fearainn	A' dèanamh lèirmheas agus rannsachadh air mar a bheirear sgrùdadh do mhodhan-obrach airson luachadh fearainn, le fòcas air: <ul style="list-style-type: none">• A' làimhseachadh luach neo-mhargaidh agus luach poblach• Ag ionnsachadh bho chleachdadh eadar-nàiseanta• A' beachdachadh air fearann agus an luach aige mar ghoireas ro-innleachdail nàiseanta.	Màrt 24 – Màrt 25
Co-thional fearainn airson leasachadh	A' gairm ri chèile coimhearsnachd cleachdaidh gus taic a thoirt do mhodhan-obrach co-thional fearainn a tha co-obrachail agus a' fiosrachadh poileasaidh is cleachdadh gus leasachadh a chomasachadh.	Sultain 23 – Màrt 25
Fearann falamh is fàsail	A' dèanamh ath-bhreithneachadh air adhartas gus astar-mheud a chumail a' dol a thaobh lìbhrigeadh air molaidhean a rinneadh le Buidheann-ghnìomha air Fearann Falamh is Fàsail.	Sultain 23 – Màrt 24



A' toirt taic do bhuileachadh practaigeach Aithris Còraichean agus Dleastanasan Fearann na h-Alba:




Bidh sinn a' toirt seachad comhairle agus stiùireadh gus daoine agus buidhnean a chuideachadh a bhith a' toirt gu buil prionnsapalan na h-Aithrise air Còraichean agus Dleastanasan Fearann na h-Alba.

		
Deagh chleachdadh ann an seilbheadaireachd, cleachdadh agus rianachd fearainn	A' leasachadh agus a' toirt taic do bhuileachadh nam Pròtocalan air Còraichean agus Dleastanasan Fearainn còmhla ri stiùireadh an cois agus rannsachaidhean-cùise.	Leantainneach
	A' lìbhrigeadh prògram leantainneach de chonaltradh agus Leasachadh Proifeiseanta Leantainneach airson bhàilidhean oighreachdan agus proifeiseantaich eile ann an co-obrachadh le com-pàirtichean.	Leantainneach
	A' toirt seachad comhairle do dh'ùachdarain agus manaidsearan-fearainn a tha ag iarraidh a bhith for-ghnìomhach a thaobh an Aithris air Còraichean agus Dleastanasan Fearann a thoirt gu buil.	Leantainneach
	A' toirt seachad comhairle do choimhearsnachdan agus uachdarain far a bheil cùisean-iomagain gan togail a thaobh an Aithris air Còraichean agus Dleastanasan Fearann a thoirt gu buil gus taic a thoirt do dheagh chleachdadh.	Leantainneach
	A' gairm na Buidhne Comhairleachaidh air Deagh Chleachdadh mar dhòigh gus conaltradh agus co-obrachadh le luchd-ùidhe.	Leantainneach
Buannachdan coimhearsnachd agus togail saidhbhreas bho atharrachadh cleachdadh an fhearainn agus bho chalpa nàdarra	A' foillseachadh stiùireadh agus a' toirt taic do chleachdadh ùr-ghnàthach gus dèanamh cinnteach gum bi atharrachadh cleachdadh an fhearainn agus ionmhas nàdair a' cruthachadh bhuannachdan sòisealta agus eaconamach airson choimhearsnachdan ionadail, a' gabhail a-steach a' gairm na Buidhne Comhairleachaidh air Buannachdan Coimhearsnachd.	Sultain 23 – Sultain 24



A' brosnachadh deagh dhàimhean eadar uachdarain agus luchd-màil àiteachais tro dhleastanasan a' Choimiseanair Tuathanas Màil:




Bidh sinn a' toirt taic do libhrigeadh dleastanasan reachdail a' Choimiseanair Tuathanas Màil, a' sireadh sineirgidhean leis a' phrògram-obrach nas fharsainge againn.

		
Còdan-obrach, Stiùireadh agus Obair-cùise	A' dèanamh cinnteach gu bheil Còdan agus Stiùireadh a' dèiligeadh ri cùisean làithrean agus cùisean a tha ag èirigh gus taic a thoirt do dheagh dhàimhean.	Leantainneach
	A' freagairt ri ceistean obair-chùise no casaidean gun deach Còdan-obrach a bhriseadh.	Leantainneach
Leigeil agus Sònrachadh Ghabhaltasan Àiteachais	A' coileanadh an riatanais reachdail gum feumar neach-luachaidh a chur an dreuchd nuair a tha feum ann gus comas a thoirt do leigeil agus sònrachadh ghabhaltasan àiteachais.	Leantainneach
Dreuchd nam bàilidhean oighreachdan – ath-bhreithneachadh air adhartas	A' dèanamh ath-bhreithneachadh air adhartas fa chomhair molaidhean a' Choimiseanair Tuathanas Màil san lèirmheas 2018 air modh-giùlain bàilidhean proifeiseanta nan uachdaran agus luchd-màil.	Sultain 23 – Màrt 24
Fòram Comhairleachaidh air Tuathanachas Màil	A' gairm an Fhòram mar dhòigh chunbhalach airson conaltradh agus co-obrachadh le luchd-ùidhe.	Leantainneach



A' dèanamh conaltradh le daoine air carson a tha fearann cudromach agus mar as urrainn dhaibh a bhith an sàs ann:

Bidh sinn a' gabhail a-steach am poball agus luchd-ùidhe san obair againn, a' togail co-obrachadh agus a' cleachdadh ar dreuchd mar neach-gairm gus diofar ealantasan agus seallaidhean a thoirt ri chèile le fòcas co-roinnte.

		
Conaltradh poblach	A' brosnachadh agus a' fiosrachadh còmhraidh a' phobail air fearann agus ath-leasachadh an fhearainn tro fhoillseachaidhean, blogaichean, meadhanan agus conaltraidhean	Leantainneach
Conaltraidhean agus tachartasan	A' ruith prògram de thachartasan air-loidhne agus aghaidh-ri-aghaidh gus cuideachadh le tuigse agus com-pàirteachas ann an cùisean fearainn ann an Alba	Leantainneach
A' gairm luchd-ùidhe ri chèile	A' stiùireadh chòmhradhean gus co-obrachadh agus geur-bheachdan a bhrosnachadh tarsainn nan raointean ceangailte ri fearann mar a tha a dhìth agus tro ghnàth-bhuidhnean, a' gabhail a-steach Buidheann Ceannardais air Fearann Coimhearsnachd, Fòram Comhairleachaidh air Fearann agus Còraichean Daonna, Fòram Comhairleachaidh air Tuathanachas Màil, Fòram Comhairleachaidh air Deagh Chleachdadh	Leantainneach



SCOTTISH LAND COMMISSION
COIMISEAN FEARAINN NA H-ALBA

 info@landcommission.gov.scot

 01463 423 300

 www.landcommission.gov.scot

Lorg sinn air:

